

法苑珠林卷第七十

受報之二

振十

唐西明寺沙門釋道世撰

惡報部第十一

夫有形則影現有聲則響應未見形存而影亡聲續而響乖善惡相報理路然矣幸願深信才亦來肖輕重苦報具依下述如身行殺生或剥切鱗截炮熬蚶蠣飛鷹走狗射獵衆生者則墮屠裂斤割地獄中蒸煮燒炙衆生者則墮鑊湯鑪炭地獄中以此殺生故於地獄中窮年極劫具受劇苦受苦既畢復墮畜

生作諸牛馬豬羊驢駱駝鷄狗魚鳥車轎蛤蜊爲人所殺螺蜋之類不得壽終還以身肉供充肴俎在此禽獸無量生死若無微善永無免期脫有斤福劣復人身或於胞胎墮落出生喪亡或十二十未有所知從冥入冥人所矜念當知短命皆緣殺生又地持經云殺生之罪能令衆生墮三惡道若生人中得二種果報一者短命二者多病如是十惡一皆備五種果報一者殺生何故受地獄苦以其殺生苦衆生故所以身壞命終地獄衆

苦皆來切已二者殺生何故出爲畜生以殺生無有慈惻行乖人倫故地獄罪畢受畜生身三者殺生何故復爲餓鬼以其殺生必緣慳心貪著滋味復爲餓鬼四者殺生何故生人而得短壽以其殺生殘害物命故得短壽五者殺生何故兼得多病以殺生違道衆患競集故得多病當知殺生如是苦也又雜寶藏經云時有一鬼白目連言我常兩肩有眼脣有口鼻常無有頭何因緣故目連答言汝前世時恒作魁牘弟子若殺人時汝常有歡

喜心以繩著髻挽之以是因緣故受如此罪此是惡行華報地獄苦果方在後也復有一鬼白目連言我身常如塊肉無有手脚眼耳鼻等恒爲蟲鳥所食罪苦難堪何因緣故爾答言汝前世時常與他藥墮他兒胎是故受如此罪此是華報地獄苦果方在後身又緣其殺生貪害滋多以滋多故便無義讓而行劫盜今身偷盜不與而取死即當墮鐵窟地獄於遐劫中受諸苦惱受苦既畢墮畜生中身常負重驅蹙捶打無有餘息所食之味唯

以水草處此之中無量生死以本因緣若遇
微善劣復人身恒爲僕隸驅策走使不得自
在償債未畢不得聞法緣此受苦輪迴無窮
當知此苦皆緣偷盜今身隱蔽人光明不以
光明供養三寶反取三寶光明以用自照死
即當墮黑耳黑繩黑暗地獄於遐劫中受諸
苦惱受苦既畢墮蟻蟲中不耐光明在此之
中無量生死以本因緣若遇微善劣復人身
形容黧黑垢膩不淨臭處穢惡人所厭遠雙
眼盲瞎不覩天地當知隱蔽光明亦緣偷盜

故故地持經云劫盜之罪亦令衆生墮三惡
道若生人中得二種果報一者貧窮二者共
財不得自在劫盜何故墮於地獄以其劫盜
剝奪偷竊人財苦衆生故身死即入寒冰地
獄備受諸苦劫盜何故出爲畜生以其不行
人道故受畜生報身常負重以肉供人償其
依十
三宿債何故復墮餓鬼緣以慳貪便行劫盜是
以畜生罪畢復爲餓鬼何故爲人貧窮緣其
劫奪使物空之所以貧窮何故共財不得自
在緣其劫盜偷奪設若有財則爲五家所共

不得自在當知劫盜二大苦也又雜藏經說時有一鬼白目連言大德我腹極大如甕咽喉手足甚細如針不得飲食何因緣故受如此苦目連答言汝前世時作聚落主自恃豪貴飲酒縱橫輕欺餘人奪其飲食飢困衆生由是因緣受如此罪此是華報地獄苦果方在後也復有一鬼白目連言常有二熱鐵輪注我兩腋下轉身體焦爛何因緣故爾目連答言汝前世時與衆僧作餅盜取二番挾兩腋底是故受如此罪此是華報後方受地獄

苦果又緣以盜故心不貞正恣情姪汝今身姪汝現世凶危常自驚恐或爲夫主邊人所知臨時得殘刀杖加形首足分離乃至失命死入地獄卧之鐵牀或抱銅柱獄鬼然火以燒其身地獄罪畢當受畜生鷄鴨黑雀犬豕飛蛾如是無量生死於遐劫中受諸苦惱受苦既畢以本因緣若遇微善劣復人身閨門姪亂妻妾不貞若有寵愛爲人所奪常懷恐怖多危少安當知危苦皆緣邪姪故地持論云邪姪之罪亦令衆生墮三惡道若生人中

得二種果報一者婦不貞潔二者得不隨意
眷屬邪姪何故墮於地獄以其邪姪干犯非
分侵物爲苦所以命終受地獄苦何故邪姪
出爲畜生以其邪姪不順人理所以出獄受
畜生身何故邪姪復爲餓鬼以其姪沫皆因
报十
慳愛慳愛罪故復爲餓鬼何故邪姪婦不貞
潔緣犯他妻故所得婦常不貞正何故邪姪
不得隨意眷屬以其邪姪奪人所寵故其眷
屬不得隨意所以復爲人之所奪當知姪沫
三大苦也又雜寶藏經說昔有一鬼白目連

言我以物自蒙籠頭亦常畏人來殺我心常
怖懼不可堪忍何因緣故爾答言汝前世時
姪犯外色常畏人見或畏其夫主捉縛打殺
或畏官法勸之都市常懷恐怖恐怖相續故
受如此罪此是惡行華報後方受地獄苦果
又緣其邪姪故發言皆妄全身若妄苦惱衆
生死則當墮啼哭地獄於遐劫中受諸苦惱
受苦既畢墮餓鬼中在此苦惱無量生死以
本因緣若遇微善劣復人身多諸疾病尪羸
虛弱頓乏楚痛自嬰苦毒人不愛念當知此

苦皆緣妄語故地持論云妄語之罪亦令衆生墮三惡道若生人中得二種果報一者多被誹謗二者爲人所誑何故妄語墮於地獄緣其妄語不實使人虛爾生苦是以身死受地獄苦何故妄語出爲畜生以其欺妄乖人誠信所以出獄受畜生報何故妄語復爲餓鬼緣其妄語皆自貪欺慳欺罪故復爲餓鬼何故人多被誹謗以其妄語不誠實故何故妄語爲人所誑以其妄語欺誘人故當知妄語四大苦也又緣其妄語便致兩舌今身言接下

五無慈愛讒謗毀辱惡口離亂死即當墮拔舌煩銅犁耕地獄於遐劫中受諸苦惱受苦既畢墮畜生中噉食糞穢如鶲胡鳥無有舌根在此之中無量生死以本因緣若遇微善劣復人身舌根不具口氣臭惡瘡痘齷齒不

齊白滋歷疎少脫有善言人不信用當知讒亂皆緣兩舌故地持論云兩舌之罪亦令衆生墮三惡道若生人中得二種果報一者得弊惡眷屬二者得不和眷屬何故兩舌墮於地獄緣其兩舌離人親愛愛離苦故受地獄

苦何故兩舌出爲畜生緣其兩舌閻亂事同
野干受畜生身何故兩舌復爲餓鬼以其兩
舌亦緣慳嫉罪故復爲餓鬼何故兩舌爲人
得弊惡眷屬緣以兩舌使人朋儔皆生惡故
何故兩舌得不和眷屬緣以兩舌離人親好
使不和合故當知兩舌五大苦也又緣其兩
舌言輒麤惡今身緣以惡口故鬪亂殘害更
相侵伐殺諸衆生死即當墮刀兵地獄於遐
劫中受諸苦惱受苦既畢墮畜生中拔脚賣
膀輸腔喪脾於遐劫中受諸苦惱受苦既畢

在此之中無量生死以本因緣若遇微善劣
復人身四支不具閼刑剝劓形骸殘毀鬼神
不衛人所輕棄當知殘害衆生皆緣惡口故
地持論云惡口之罪亦令衆生墮三惡道若
生人中得二種果報一者常聞惡音二者所
可言說恒有諍訟何故惡口墮於地獄以其
惡口皆欲害人人聞爲苦所以命終受地獄
苦何故惡口出爲畜生以其惡口罵人以爲
畜生所以出獄即爲畜生何故惡口復爲餓
鬼緣其慳惜千觸則罵所以畜生苦畢復爲

餓鬼何故惡口爲人常聞惡音以其發言麤鄙所聞常惡何故惡口所可言說恒有諍訟以其惡口違逆衆德有所說言常致諍訟當知惡口六大苦也又緣其惡口言輒浮綺都無義益無義益故今身則生惰慢死即當墮束縛地獄於遐劫中受諸苦惱受苦既畢墮畜生中唯念水草不識父母恩養在此之中無量生死以其因緣若遇微善劣復人身生在邊地不知忠孝仁義不見三寶若在中國矬陋短矮人所凌蔑當知憇慢皆緣無義調

戲不節故地持論云無義語罪亦令衆生墮三惡道若生人中得二種果報一者所有言語人不信受二者有所言說不能明了何故無義語墮於地獄語既非義事成損彼所以命終受地獄苦何故無義語出爲畜生緣語無義人倫理乖所以出地獄受畜生身何故無義語復爲餓鬼語無義故慳慰所障因慳慰故復爲餓鬼何故無義語罪出生爲人有所言語人不信受緣語無義非可承受何故無義語有所言說不能明了語既無義皆緣

暗昧暗昧報故不能明了當知無義語七大苦也又緣無義語故不能廉讓使貪欲無厭今身慳貪不布施死即當墮沸屎地獄於遐劫中受諸苦惱受苦既畢墮畜生餓鬼中無有衣食資仰於人所噉糞穢不與不得在此之中無量生死以本因緣若遇微善劣復人身飢寒裸露困乏常無人既不與求亦不得縱有纖毫輒遇剝奪守苦無方亡身喪命當知此不布施皆緣貪欲故地持論云貪欲當罪亦令衆生墮三惡道若生人中得二種果

報一者多欲二者無有厭足何故貪欲墮於地獄緣其貪欲作動身口而苦於物所以身死受地獄苦何故貪欲出爲畜生緣此貪欲動乖人倫是故出獄即爲畜生何故貪欲復爲餓鬼緣此貪欲得必貪惜貪惜罪故復爲餓鬼何故貪欲而復多欲緣此貪欲所欲彌多何故貪欲無有厭足緣此貪欲貪求無厭當知貪欲八大苦也又緣貪欲不適意故則有憤怒而起瞋恚今身若多瞋恚者死即當墮泥犁地獄於歷劫中具受衆苦受苦既畢

墮畜生中作毒蛇蠍蝮虎豹豺狼在此之中無量生死以本因緣若遇微善劣復人身復多瞋恚面貌醜惡人所憎惡非唯不與親友實亦眼不喜見當知忿恚皆緣瞋惱故地持論云瞋恚之罪亦令衆生墮三惡道若生人中得二種果報一者常爲一切求其長短二者常爲衆人之所惱害緣此瞋惱惱害於人人亦惱害當知瞋惱九大苦也又緣其瞋惱而懷邪僻不信正道今身邪見達人聽法誦經自不餐采死即當墮孽癱地獄於遇劫中受諸苦惱受苦既畢墮畜生緣此瞋惱恚害苦物受地獄苦何故瞋惱出爲畜生緣此瞋惱不能仁恕所以出獄受畜生身何故瞋惱復爲餓鬼緣此瞋惱從慳心

持十
起慳心罪故復爲餓鬼何故瞋惱常爲一切求其長短緣此瞋惱不能舍容故爲一切求其長短何故瞋惱常爲衆人之所惱害緣此瞋惱惱害於人人亦惱害當知瞋惱九大苦也又緣其瞋惱而懷邪僻不信正道今身邪見達人聽法誦經自不餐采死即當墮孽癱地獄於遇劫中受諸苦惱受苦既畢墮畜生緣此瞋惱恚害苦物受地獄苦何故瞋惱出爲畜生緣此瞋惱不能仁恕所以出獄受畜生身何故瞋惱復爲餓鬼緣此瞋惱從慳心

壁不異美言善響絕不覺知當知阻礙聽法
皆緣邪見故地持論云邪見之罪亦令眾生
墮三惡道若生人中得二種果報一者生邪
見家二者其心詭曲何故邪見墮於地獄緣
以邪見唯向邪道及以神俗謗佛法僧不崇
九
三寶既不崇信斷人正路致令遭苦所以命
終入阿鼻獄何故邪見復爲畜生緣以邪見
不識正理所以出獄受畜生報何故邪見復
爲餓鬼緣此邪見慳心堅著乖僻不捨不捨
慳著復爲餓鬼何故邪見生邪見家緣此邪

見僻習纏心所以爲人生邪見家何故邪見
其心詭曲緣此邪見不中正故所以爲人心
常詭曲當知邪見十大苦也如是一一微細
衆惡罪業無量無邊皆入地獄備受諸苦非
可算數而知且略言耳若能反惡爲善即是
我師又八師經云佛爲梵志說八師之法佛
言一謂凶暴殘害物命或爲怨家所見刑戮
或爲王法所見誅治滅及門族死入地獄燒
煮拷掠萬毒皆更求死不得罪竟乃出或爲
餓鬼當爲畜生屠割剥裂死輒更刃冤神展

轉更相殘害吾見殺者其罪如此不敢復殺
是吾一師佛於是說偈言

凶者心不仁 強弱相傷殘 殺生當過生
結積累劫怨 受罪短命死 警怛遭暴患
吾用畏是故 慈心伏魔官

常負重衆惱自隨或爲畜生死輒更刃以肉
供人償其宿債吾見盜者其罪如此不敢復
盜是吾二師佛於是說偈言

盜者不與取 劫竊入財寶 亡者無多少
忿恚愁毒惱 死受六畜形 償其宿債負

吾用畏是故

棄國施財寶

卷十

十

二謂盜竊強劫人財或爲財主刀杖加刑應
時瓦解或爲王法收繫著獄拷掠榜笞五毒
皆至戮之都市門族灰滅死入地獄以手捧
火燄銅灌口求死不得畢竟乃出當爲餓鬼
意欲飲水水化爲膿所飲食物物化爲炭身

三謂邪淫犯人婦女或爲夫主邊人所知臨
時得殃刀杖加刑首足分離縛及門族或爲
王法收捕著獄酷毒掠治身自當辜死入地
獄卧之鐵牀或抱銅柱獄鬼然火以燒其身

地獄罪畢當受畜生若後爲人閨門姪亂遠
佛違法不親賢衆常懷恐怖多危少安吾見
是故不敢復姪是吾三師佛於是說偈言

姪爲不淨行 迷惑失正道 形消鬼魄驚
傷命而早夭 受罪頑癡荒 死復墮惡道

吾用畏是故 爍家樂山藪

四謂兩舌惡口妄言綺語諧人無罪謗毀三
尊招致捶杖亦致滅門死入地獄獄中鬼神
拔出其舌以牛犁之烊銅灌口求死不得罪
畢乃出當爲畜生常食草棘若後爲人言不

見信口中恒臭多被誹謗罵詈之聲卧輒惡
夢有口不得食佛經之至味吾見是故不敢
惡口是吾四師佛於是說偈言

欺者有四過 謗佞傷賢良 受身癡聾盲
蹇吃口臭腥 根十 頽狂不能言 死墮拔舌園

吾修四淨口 自致八音聲

十一

五謂嗜酒酒爲毒氣主成諸惡王道毀仁澤
滅臣慢上不忠敬於父禮亡母失慈子凶悖
孝道敗夫失信婦奢姪九族諍財產耗亡國
危身無不由之酒之亂道三十有六吾見是

故絕酒不飲是吾五師佛於是說偈言
醉者爲不孝 惡穢從內生 迷惑清高士
亂德敗淑貞 故吾不飲酒 慈心濟群氓
淨慧度八難 自致覺道圓

六謂年老夫老之爲苦頭白齒落目視冥冥
耳聽不聰盛去衰至皮緩面皺百節痛疼行
步苦極坐起呻吟憂悲心惱識神轉滅便旋
即忘命日促盡言之流涕吾見無常灾變如
此故行求道不欲更之是吾六師佛於是說
偈言

吾念世無常 人生要當老 盛去日衰羸
形枯而白首 夢勞百病生 坐起愁痛惱
吾用畏是故 奉國行求道

七謂病瘦肉盡骨立百節皆痛猶被杖楚四
大進退手足不任氣力虛竭坐起須人口燥
脣焦筋斷鼻坼目不見色耳不聞音不淨流
出身卧其上心懷苦惱言輒悲哀今覩世人
年盛力壯華色煥爛福盡罪至無常百變吾
覩此患故行求道不欲更之是吾七師佛於是
說偈言

念人衰老時 百病同時生 水消而火起
刀風解其形 骨體筋脈離 大命要當傾
吾用畏是故 求道願不生

原十

八謂人死四百四病同時俱作四大欲散魂
神不安風去息絕火滅身冷風先火次魂靈
十二

去矣身體挺直無所復知旬日之間肉壞血
流胖脹爛臭無一可取身中有蟲還食其肉
筋脉爛盡骨節解散髑髏腔脰各自異處飛
鳥走獸競來食之天龍鬼神帝主人民貧富
貴賤無免此患吾見斯變故行求道不欲更
斯爲大師

之是吾八師佛於是說偈言
惟念老病死 三界之大患 福盡而命終
棄之於黃泉 身爛還歸土 魂魄隨因緣
吾用畏是故 學道求泥洹

梵志於是心即開解遂得道跡長跪受戒爲
清信士不殺不盜不婬不欺奉孝不醉歡喜
爲佛作禮而去故書云五色令人目盲五音
令人耳聾五味令人口爽大怒傷陰大喜敗
陽麗色伐性之斧美味腐身之毒能悟此旨

住處部第十二

別有四
住處

七識住處

九衆生居住處

二十五有住處

四十二居止住處

七識住處第一

如毗曇說云於欲界之中唯取人天善趣爲一及取上之二界各前三地則爲七也論言何故四種惡趣及第四禪并及非想不立識住法者此還如論中釋云若識於彼樂住者則立識住樂住非分者是則不立謂彼四惡趣中苦逼迫故識不樂住第四禪中有淨居

天樂入涅槃故識不樂住無想衆生以無心故不可說爲識住自餘第四禪其亦不定或求無色或求淨居或求無想故識亦不樂住也第一有中以其闇昧不捷疾故識不樂住以如斯義是故不立又說若彼有壞識法者是則不立識住謂彼四惡趣中爲彼苦受惱壞識故所以不立第四禪中以有無想正受及無想天斷壞識故一一亦不立非想地中
推十
十三
有彼滅盡三昧害識心故是以此三處悉皆不立識住七識住畧分別如是

九衆生居住處第二

問曰九衆生居云何差別答曰如毗曇中說謂於前七識住上加無想天及與非想即是九衆生居答言惡趣及餘第四禪何故不立衆生居者此是如論中前釋若彼衆生愛樂住者立衆生居樂住非分者是則不立謂彼四惡趣中多苦惱衆生不樂住於彼第四禪中五淨居天疾樂涅槃故亦不樂住自餘第四禪如前所說是故不立衆生居矣

二十五有住處第三

問曰二十五有云何分別答曰如舍利弗阿毗曇論說欲界之中具十四有色界有七無色有四三界合論故有二十五欲界十四者謂四惡趣即以爲四又取四天下人復以爲四帖前爲八又取六欲諸天以六帖前便爲十四有也色界七者所謂四禪摺十即以爲四又於初禪之中取大梵天第四禪中取五淨居并無想天即爲其七將七帖前十四即爲二十一有也無色界中四者謂四無色定以四帖前即爲二十五有是故彼論偈云

四洲四惡趣 梵王六欲天 無想五淨居
四空及四禪

問曰未知以何義故於初禪中別取梵王於第四禪中別取無想天并五淨居立爲三有別於初四禪者有何義耶答曰有以謂彼初禪大梵天者外道人等恒計以爲能生萬物之本達之則受生死順之則得解脫又彼梵王亦復自計己身能爲造化之主是一是常是真解脫如來爲欲破彼情見是故別標說爲有也第二無想天者謂彼天中悉得定壽

五百大劫無心之報外道人等於此不達而復計爲真實涅槃是故樂修無想之定求生彼處如來爲欲破彼情見是故別標說爲有也第三五淨居者於中有彼摩醯首羅天王處外道人等亦復計彼天王能爲造化之本歸之則得解脫爲破此見是故如來別標說有別說之意義顯斯也○問曰未知於彼六趣之中四種惡趣各立一有人中立四天中乃立十七有者何義然耶答曰有以所謂於彼四惡趣中苦惱多故衆生不欲樂住情微

是故就趣各立一有人趣次勝衆生樂住心已殷著是故隨方說之爲四天趣最勝樂住之情最爲殷上是故隨處說處說爲十七二十有五略辯如是

四十二居止住處第四

問曰未知四十二居止云何分別答曰如樓炭經說謂於欲界之中有二十居止色界中有十八無色界中有四三界合論有四十二居止處其欲界二十者謂彼八大地獄及畜生餓鬼即爲十也又取四天下人及六欲天

復爲十也摠爲二十居止處色界中十八者謂彼四禪之中有十八天即爲十八居止無色界中四空定處合爲四十二居止也○問曰何故於六趣之中地獄人天三趣之中各立多居止處鬼畜二趣各唯立一條羅一趣全不立者何耶答曰居止名爲安止住處有定處者隨處則立無定處者是則不立謂彼地獄定有八處人有四處天定有其二十八處是故於此三趣各各立多居止鬼畜二趣無有定別多居正處是故就趣各立其一

脩羅趣攝入餘道是故不論○問曰若依毗曇說彼四空遍在欲色二界之中亦無定別又彼無形則無栖託何故得說居止處耶答曰依如小乘實當如是若依大乘說彼亦有微細色形各有宮殿別有四處於三界中別

守一界不雜餘二是故說爲四居止也○問曰依如毗曇說彼梵王與彼梵輔天同無別住處第四禪中無想天者與彼廣果同階亦無別處若如是者何故得說以爲二居止耶答曰有以謂彼梵王於初禪中雖無別天而

於第二梵輔天中別有層臺高廣嚴博大梵天王於上而住不與梵輔天同以其君勝上臣下別故無想天者雖與廣果天同其住處各有殊別其猶此間州縣相似以如斯別是故說之爲二居止焉頌曰

色心相染業障交纏七識起發八識受牽
三界受報六道苦困自非斷妄何得牢堅
感應緣

略引二
十二驗

漢時有女生兒兩頭兩頸
洛陽有女生兒兩頭肩四肢

新蔡縣胡氏產二女相向腹心合

周烈王時有女產二龍

漢時有女生蛇

周哀公時有女生四十子又有豕生人

秦孝公時有馬生人

漢文帝時有馬與狗皆生角

第十
定襄有牝馬生駒三足

秦文王時有獻五足牛

漢景帝時有獻牛足出背上

晉武昌有牛生子兩頭八足兩尾

漢天水平裏有鷦生雀

魏黃初中有鷦生鷯口爪俱赤

漢竇嬰灌夫田蚡因恨謀死現報

晉王敦枉害刁玄亮現報

張鹿殺經曠現報

御史石密枉奏殺典客現報

桓溫枉害殷消現報

秦姚萇枉害苻永固萇受現報

李雄從叔壽枉害李期現報

宋翟銅烏枉害張超現報

張裸爲隣人燒死隣人受現報
呂慶祖爲奴枉害奴受現報

也生非其類淫亂也生而大速成也生而能言好虛也

唐杜通達枉害衆僧受現報
貞觀年內有邢文宗枉害衆僧受現

報

漢元始元年六月有長安女子生兒兩頭兩
頸面得相向四臂共胷俱前向尻上有目長
二寸故京房易傳曰睽孤見豕負塗厥妖人
生兩頭兩頸不一也足多所住邪也足少不
勝任下體生於上不敬也上體生於下泄清

以不孝之名廢天子又周之漢元以來禍莫
大焉

漢建興四年西都傾覆元皇帝始爲晉王四
海宅心其年十月二十二日新蔡縣吏任僑
妻胡氏年二十五產二女相向腹心合自胷

以上臍以下分此蓋天下未壹之妖也時內史呂會上言案瑞應圖云異根同體謂之連理異畝同類謂之嘉禾草木之屬猶以爲瑞今二人同心天垂靈象故易云二人同心其利斷金休顯見生於陳東之國斯蓋四海同心之瑞不勝喜躍謹畫圖上時有識者哂之君子曰智之難也以臧文仲之才猶杞憂居焉布在方冊千載不忘故士不可以不學古人文有言木無支謂之癟人不學謂之瞽當其所蔽蓋闕如也可不勉乎

周烈王之六年林碧陽君之御人產二龍漢定襄太守竇奉妻生子武笄生一蛇奉送蛇之子林及武長大育海內俊名母死將葬未定賓客聚集有大蛇從林草中出徑來棺下委地俯仰以頭擊棺血涕並流若哀慟者周哀公之八年鄭有人一生四十子按十其二十人十九爲人二十人死其九年晉有豕生人能言吳亦烏七年有婦人一生三子秦孝公二十一年有馬生人昭王二十年牝馬生子而死劉向以爲馬禍也故京房易傳

曰方伯分滅厥妖牝馬生子上無天子諸侯相伐厥妖馬生人也

漢文帝十二年吳地有馬生角在耳上向右

角長三寸左角長二寸皆大二寸後五年六月密應城門外有狗生角劉向以爲馬不當

世喪用民力京房易傳曰興繇役奪民時厥

牛生五足

漢景帝中六年梁孝王田北山有獻牛足出

背上者劉向以爲牛禍思心霧亂之咎也至

漢靈帝延熹五年臨沅縣有牛生鷄兩頭四

足

謂賢士不足

漢綏和二年定襄有牝馬生駒三足隨群飲食五行志曰以爲馬國之武用象也

晉大興元年三月武昌太守王諒有牛生子兩頭八足兩尾共一腹不能自生十餘人以繩引之子死母活其三年後苑中有牛生一

足三尾生而死也

漢綏和二年三月天水平襄有鵠生雀哺食至大俱飛去京房易傳曰賊臣在國厥咎鵠生雄雀又曰生非其類子不嗣也

母十

二十

魏黃初中有鷹生鵠巢中口介俱亦至青龍中明帝爲陵霄闕始構有鵠巢其上帝以問高堂隆對曰詩云惟鵠有巢惟鳩居之此宮室未成身不得居之象也

右十二驗出
搜神異記

漢竇嬰字王孫漢孝文帝竇皇后從兄子也封魏其侯爲丞相後乃免相及竇皇后崩嬰

益踈薄無勢默不得志與太僕灌夫相引薦交結其歡恨相知之晚孝景帝王皇后異父同母弟田蚡爲丞相親幸縱橫使人就嬰求城南田數頃嬰不與曰老僕雖棄丞相雖貴寧可以勢相奪乎灌夫亦助怒之蚡皆恨之及蚡娶妻王太后詔列侯宗室皆往賀蚡灌夫爲人狂酒先當以醉忤蚡不肯賀之竇嬰強與俱去酒酣灌夫行酒至蚡蚡曰不能滿觴灌夫因言辭不遜蚡遂怒曰此吾驕灌夫之罪也乃縛灌夫謂長史曰有詔召宗室

而灌夫罵坐不敬并奏其在鄉里豪橫處夫棄市竇嬰還謂其妻曰終不令灌夫獨死而嬰獨生乃上事具陳灌夫醉飽事不足誅帝召見之嬰與蚡互相言短長帝問朝臣兩人誰是朝臣多言嬰是王太后聞怒而不食十一曰

我在人皆凌藉吾弟我百歲後當魚肉之中

及出蚡復爲嬰造作惡語用以聞上天子亦以蚡爲不直特爲太后故論嬰及市嬰臨死罵曰若死無知則已有知要不獨死後月餘蚡病一身盡痛若有打擊之者但號呼叩頭

謝罪天子使祝鬼者瞻之見竇嬰灌夫共守笞蚡遂死天子亦夢見嬰而謝之

晉大將軍王敦枉害刁玄亮及敦入石頭夢白犬自天下而噬之既還姑敦遇病白日見刀乘輶車道從吏卒來仰頭瞋目乃入攝錄

敦大怖逃不得脫死河間

國兵張鹿經曠二人相與諧善晉太元十四年五月五日共升鍾嶺坐于山椒鹿酙酒失色拔刀斬曠曠母爾夕夢曠自說爲鹿所殺投屍澗中脫褲覆腹尋覓之時必難可得當

令禪飛起以示處也明晨追捕一如所言鹿知事露欲覬叛逸出門輒見曠手執雙刀來擬其面遂不得去母具告官鹿以伏辜晉山陰縣令石密先經爲御史枉奏殺典客令萬點密白日見點來殺密遂死

晉大司馬桓溫功業殊盛負其才力久懷篡逆廢晉帝爲海西公而立會稽王是爲簡文帝太宰武陵王晞性尚武事好犬馬遊獵溫常忌之故加罪狀奏免晞及子綜官又逼新蔡王晃使列晞綜及前著作郎殷消太宰長

史庾清等謀反頻請殺之詔特赦晞父子乃徙新安殺絳父浩先爲溫所廢絳頗有氣尚遂不詣溫而與晞遊溫乃疑之庾乃請坐有才望且宗族甚強所以並致極法簡文尋崩而皇太子立遺詔委政於溫依諸葛亮王遵廿二舊事溫大怨望以爲失權僭逼愈甚後謁簡文高平陵方欲伏見帝在墳前舉體莫衣語溫云家國不造委任失所溫答臣不敢臣不敢既登車爲左右說之又問殷消形狀答以肥短溫云向亦見在帝側十餘日便病因此

憂懲而死

秦姚萇字景茂赤亭羌也父弋仲事石勒石氏既滅萇隨其兄襄與符永固戰於三原軍敗襄死萇乃降永固即受祿位累加爵邑及轉龍驤將軍督梁益州諸軍事永固謂之曰朕昔以龍驤建業此號未曾假人今持山南委卿故特以相授其蒙寵任優隆如此後隨

固頻爲慕容沖所敗冲轉侵逼永固又見妖怪屢起遂走五將山萇即遣驍騎將軍吳中園永固中執永固以送萇即日囚之以求傳國璽及令禪讓永固不從數以叛逆之罪萇遂殺之遂稱帝後又相永固屍鞭撻無數裸剥衣裳薦之以棘掘坎埋之及萇遇疾即夢永固將天官使者及鬼兵數百突入營中萇甚悚愕走入後帳官人逆來刺鬼悞中萇陰遣長史詣永固謝罪永固怒旣甚即戮其使萇益恐懼遂奔西州邀聚士卒而自樹置永

卷十

廿三

狂言曰殺陛下者臣兄襄耳非臣襄罪願不

賜枉後三日斂死

秦李雄旣王於蜀其第四子期從叔壽襲期而廢爲邛都公尋復殺之而壽自立壽性素

凶狠猜忌僕射蔡射等以正直忤旨遂誅之

無幾壽病恒見李期蔡射而爲祟嘔血而死宋高平金鄉張超與同縣翟願不和願以宋元嘉中爲方與令忽爲人所殺咸疑是超超金鄉後除縣職解官還家入山搘林翟兄子銅鳥執弓持矢并賣酒醴就山貺之斟酌已

畢銅鳥曰明府昔害民叔無緣同戴天日引弓射之即死銅鳥其夜見超云我不殺汝叔枉見殘害今已上訴故來相報引刀刺之吐血而死

宋下邳張穉者家世寇族末葉衰微有孫女

姝好美色隣人求娉爲妾穉以舊門之後耻而不許隣人忿之乃焚其屋穉遂燒死其息邦先行不在後還亦知情狀而畏隣人之勢又貪其財而不言與之嫁女與之後經一年邦夢見穉曰汝爲兒子逆天不孝棄親就僭

同党便挺邦頭以手中桃杖刺之邦因病
兩宿嘔血而死邦死之日隣人又見釋排門
直入張目攘袂曰君恃貴縱惡酷暴之甚枉
見殺害我已上訴事獲申雪却後數日令君
知之隣人得病尋亦殂歿

補十

十四

宋世永康人呂慶祖家甚溫富當使一奴名
教子守視墅舍以元嘉中便往案行忽爲人
所殺族弟無期先大舉慶祖錢咸謂爲害無
期賣羊酒晡至柩所而呂曰君荼酷如此乃
云是我冤而有靈使知其至旣還至三更見

慶祖來云近履行見教子眭疇不理許當許
當痛治奴遂以斧斫我背將帽塞口因得
齧奴三指悉皆破碎便取刀刺我頸曳著後
門初見殺時諸從行人亦在其中奴今欲叛
我已釘其頭著壁言畢而滅無期早旦以告
其父母潛視奴所住壁果有一把髮以竹釘
之又看其指並見破傷錄奴詰驗臣伏又問
汝旣反逆何以不叛奴云頭如被繫欲逃不
得諸同見者事事相符即焚教子并其二息

右九驗出
冤鬼志

唐齊州高遠縣人杜通達貞觀年中縣丞命
令送一衆僧向北通達見僧經箱謂言其中
總是絲絹乃與妻共計擊僧殺之僧未死間
誦呪三兩句遂有一蠅飛入其鼻久悶不出
第十五
通達眼鼻遽第十五喝眉鬚即落迷惑失道精神沮
喪未幾之間便遇惡疾不經一年而死臨終
第十五
之際蠅遂飛出還入妻鼻其妻得病歲餘復
卒

歸憶自云近者使向幽州路逢一客將絹十
餘疋迥澤無人因即劫殺此人云將向房山
欲買經紙終不得免少間屬一老僧復欲南
出遇文宗懼事發覺揮刀擬僧僧叩頭曰乞
存性命誓願終身不言文宗殺之棄之草間
經二十餘日行還過僧死處時當暑月疑皆
爛壞試往視之儼如生日宗因下馬以篳篥
僧之口口出一蠅飛鳴清徹直入宗鼻久悶
不出因得大患歲餘而死右二驗出
宋書拾遺

法苑珠林卷第七十

音釋